

Occitan

Plaça a la dança



De la dança del Chivalet a l'**Edat-Mejana** cap als balètis d'uèi, la cultura occitana de longa a daissat una plaça bèla a la dança, vectritz de **ligam** social, d'**escambis** e de transmissions. Lo **reviscòl** d'aqueles rescontres **balats** transcendís las generacions.

“ Pendent los balètis, tradicions e aires vièlhs se desrevelhan ”



Camilha es intrada dins la ronda l'ivèrn passat. L'estudianta a descobèrt los balètis **per astre**. « Ai acompanhat mas gents a un talhièr de danças tradicionalas, de l'associacion Lèva-te e dança. I ai dançat lo rondèu, la scottish, la masurcà... Desempuèi, finti las balòchas e çò que m'espanta es que n'i a un **molonàs** mai que mai dons los vilatges. » D'unes « balètis salvatges » recampan d'unes dançaires un còp a la setmana al Clapàs, per l'Esplanada o al Peirós, que bolègan a las sonoritats d'un acordeon diatonic, d'una flaüta e d'un violon.

Una identitat bèla

Abandonadas pendent brave temps, aquestas danças tradicionalas (pas forçadament totas occitanas), son estadas a la mòda tornarmai del temps del reviscòl occitan per las annadas 1970. « Amb la borrièra o la polcà, tornam descobrir lo

plaser d'èstre ensems. I a **fôrça** de danças de coble mas amai de quadrilhs e de cercles que cadun es menat a tocar l'autre. Lo contacte fisic a pas res d'ambigü », explica Thierry Serane, vicipresident de D'Aicí d'Alai, una associacion intercomunala (Fabregas, La Veiruna, Pinhan, Sant-Joan-de-Vedats, Saussan) qu'organiza un balèti, lo 26 de novembre a la Sala de las Granjas, a Sant-Joan-de-Vedats. « D'uèi, los balètis a pas pus l'imatge folcloric costumat. Siái espantat pel nombre de trentenaris que dançan. Mas sabi pas se fôrça parlan occitan » se demanda. De son latz, Bruno Cecillon, director de Ràdio Lengua D'Òc (95.4 FM) estima que la dança e la musica son una identitat bèla de la cultura occitana. « De longa avèm dançat en Occitania. Es un trapa-te social. Sovent, aquestes balètis son cantats amai. E se venon d'agulhons per una part de la creacion occitana ».

Lexique

Sèm fôrça ! devise de Béziers pour dire que nous sommes la force parce que nous sommes nombreux.

Edat-Mejana →

Moyen Âge

Ligam → lien

Escambis → échanges

Reviscòl → renouveau

Balats → dansés

Per astre → par hasard

Molonàs → beaucoup

Traduction complète :

montpellier3m.fr

